



黃永清
二

毗陵集卷第八

朝散大夫使持節常州諸軍事守常州刺史賜紫金魚袋獨孤及著

頌二首

唐故太子賓客兼御史夫人洪州刺史洪吉

八州防禦觀察使處置使平原郡開國公張

公遺愛碑頌并序

唐故開府儀同三司試太常卿兼懷州刺史

贈太子少傅楊公遺愛碑頌并序

碑三首

唐故睢陽郡太守贈秘書監李公神道碑銘



并序

唐故朝議大夫申王府上柱國贈太常卿韋

司馬

公神道碑銘

并序

唐故朝議大夫高平郡別駕權公神道碑銘

并序

頌

唐故太子賓客兼御史大夫洪州刺史洪吉

八州防禦觀察處置使平原郡開國公張公

遺愛碑頌

并序

北斗魁戴筐六星曰文星宮其三曰貴相聖人法天

建官作為台司以左右民於是乎有敬敷五教平章

百姓之職居之者下代天工上應星宿其或一麾出

守八命作牧內為吉甫外為方叔弘道利物其政一

也惟唐七世皇帝誅羿澆纂舊服得柱石之臣曰平

原張公諱鎬字從周秉中庸之德含光大之量較耕

隴畝為唐舉夔推轂于河南樹風于荆門作賓銅樓

登侍禁掖牧撫人半歲洪州再稔鰥寡不侮神人咸

若慈惠之政洽于百城享壽六十有一歲在癸卯七

月壬寅薨于位夫德之被物也厚則物之興感也至

故公之捐館自九江至于敷淺原南暨于梅嶺東臻

于閭微而蚩之之氓靡幼靡艾泣涕乎遺風悽愴乎
棠陰懇乎若求而不得企而不及者僉曰平原其可
謂盛德也已子惠困窮俾富而庶若解衣之我輟飯
飯我公弃我往矣誰育我矣逝矣遠矣音徽沫矣吾
儕小人嗚呼疇依盍詠訶之刻諸金石秋八月既殯
者壽吉川安福縣丞鄧琳玉等一百十有五人乃率
顛衆戚謀及故州吏從事州長縣尹虎賁亞旅卿大
夫相與稽乎陳跡見頌表德用廣留侯之世家紀子
產之遺愛禮也公曾祖曰善見位朝散大夫越州司
馬司馬生武定任荊州都督府戶曹叅軍戶曹生知

古官止代州司功叅軍廣德元年贈太子少傅自司
馬至少傅立以儒顯天鍾美于其後嗣四世而生乎
原河目犀額山立玉色森然若大厦棟梁清廟祭器
該綜六學大抵以周易為師將探化元恥觀朶頤隱
居南山蓋三十朞天寶十有四紀始褐衣召見凡用
舍繫乎才行止牽乎時當無為無事則許由善卷各
得安其節及人思俾又則黃公角里不能逃于用勢
使然也由是一命左拾遺再命右補闕脩國史三命
侍御史四命諫議大夫五命中書侍郎同中書門下
平章事起布衣三歲縮相印左王業名敬之盛輝動

今古于時至德二載也天子方以復夏之師蒐于岐陽三河之人左衽是懼公入除百揆出分二陝帥東諸侯之兵收復宋鄭誅後至者以懲不恪安危之機懸于方寸方將董正東夏懷柔山戎會帝咨百工曰有能典朕荆楚俾姦冗不作予惟克邁乃訓于是拜公荊州大都督府長史明年元良肇逮上曰疇若予樂正父師之職汝作賓客卒調護太子嘉言惟允於是授太子賓客上思夙夜出納言語侍從之臣命公作左散騎常侍會鍾陵鄱陽之間人咨艱食上又曰命汝作州伯總十縣之任俾予全無虞惟汝賢于

是有洪州之拜粵寶應元年冬十月公朝服受命至自臨川彰善用明痺惡用威一法度用信布愷悌用德慰薦掾吏勞來鰥寡化以公廉扇以禮讓煦而嫗之使自得清而靜之使自定於是豪民猾吏革面歛手家有忠信人懷恥格暢于事業播于風俗決于人心被于詠歌是歲也三吳飢民相食厲鬼出行札喪毒痛淮湖之境豁皆成岳而我倉如陵我民孔阜犬牙之境疫厲不入災不勝德也臨海賊帥袁晁狃于會稽之役侵我東鄙江界大恐民思繹騷公命左軍屯上饒隘塞常山之口斬其唐突者一千餘級自是

姦党散落不敢南向而譖郡人安焉舍賦帥楊昭
憑蜂聚之衆殺同安郡守劉秋子以叛師潰而奔犯
我鹽場公覆而取之懸其首于五達之衢函徒殲焉
沈千載者新安大豪結推剽掠之党為之囊橐弄兵
潢池虐劉我民桴鼓之聲相聞郡國二千石不能禁
公命次將斬之以徇鉏其根株俾無遺類新安民庶
家室相慶江干清焉振六條之宏網開布大信從善
如不及視民如赤子克已推誠以百姓心為心飲之
以和俾服從教化輕剽些窳奪攘矯虔之俗罔或干
慘悴寒亟苛察繳繞之吏不能見其哀哀敬明恕期
于無詞德政行焉慎選乃僚必國之良有若博陵崔
賁昌黎韓細趙郡李惟岳北海王士華河間邢宙河
東裴孝智隴西李道昌皆卿材也以叅嘉言碩畫叅
公軍事澄清之內無濁流審克之下無冤民淑德旌
焉公之解短褐而施國章也十有一年矣雖匪躬之
故宣力不暇而滄州願言未始弛忘每曰少伯子房
吾之師也累乞骸骨將角中故山朝廷方虛三老五
更之位待公而除書未及下而公薨焉嗚呼哀哉褒
德之盛典退身之正志享用之遐福三者俱未從人
欲斯可以歎矣唯公出將入相文武為憲謹言忒略

藏在策府代莫得而聞也今采其德并禮義之善利物者頌之于石慰彼墮淚者之心焉尔其文曰

純粹之氣升為星辰降為賢人皇王得之以釐百工以隲下民九江之南五品不遜百姓不親平原來斯道之以德俾民化淳寬厚清靜飾躬率先是訓是勤猛獸不噬夜犬不吠豐年來臻藹令德家有膏雨戶有陽春牧我若慕弃我若早實天不仁南州寥東山依：德音若存千載之後魂魄登此頌聲不泯

唐故開府儀同三司試太常卿懷州刺史贈太子少傅楊公遺愛碑頌并序

皇帝嗣位二載河內得賢二千石曰猗氏楊承仙者剛毅公廉仁名愛人起鞞鼓間為唐循吏天性貞方非有經術潤飾推誠御衆以身帥先民用不擾政是以茂于時王師始平河北而覃懷纔歸于我大兵之後城郭為墟相國梁公拔公于戎馬之上表為刺史俾慰安斯人公既至則吊其瘡痍為剪荆棘省事節用寬其征而均其力然後濬決古溝引其卅水以溉田田之汙萊遂為沃野衣食河內數千萬口流人襁負不召自至如歸市焉鰥寡無告不能自耕者貸其種與農器而教之視五穀所宜督其程設其未不急使

民無不咸返其本每循行屬縣問所疾痛時其創飽
心為慘怛如身之恤臂指慈父之視幼子也性嚴殘
而恭于奉法訓軍以律禁暴以肅有抵刑者雖拔葵
犯未殺之無赦由是兵不為盜猛獸不食人河內之
犬無夜吠者人人得敦其業而厚其生上竒其能以
至書勞勉封弘農郡公邑二千戶拜其男銳河南府
叅軍方倚以牧人不遐其福大歷二年八月六日公
薨于州春秋五十四皇帝悼恤詔曰軍興以來列郡
凋耗二千石少能以教化稱者唯承仙苦心精力惠
此一州家給而人知禮節氣和而無災害三年有成

表課第一賢守既歿誰其嗣之宜贈太子太傅好事
者譔公景行謂公清直強力能勤其官百城之州三
軍之師可使居其任量不極而歿惜哉初岐國公魯
吳之守穰鄧也公為新軍佐敢殊死督戰奮士率先
藺矢石亂中敗面滅鼻而不言病卒以是挫敵軍中
服其勇義勇及涼公秉鉞而委質馬前後保河陽守
高平安潞鎮鄴董戎壺口戮力危機之中賈勇倉卒
間唯盡敵是求未嘗顧身元戎賴之卒集大勳由是
歷羽林金吾光祿大夫加開府儀同三司試太常卿
而後至于是州也公嘗表請師葬途田于洛洛陽人

聞揚懷州之至也環而視之其還也懷人數千頃
于路其亡也闔境相吊童子不巷歌凡立誠應物者
信不足則不信飾知沽名者實不足則名喪若揚公
者非人必由已而誠在言前則不能使千萬人悅之
之速如是某官某者壽^其等願復攀公之朱轡望公之
清揚而靡因也故立石為碑慰彼永思云吳公文翁
遭時無危因而終之其績易施公之來斯大盜斯夷
師旅飢饉丁于此時頑民反側比屋流離飲公醇仁
而忘怨盜飢者得食寒者得衣豈知典謨以史為師
豈必法令信則不欺功倍古人愛及勞嫠宜從人欲

俾壽無期嗚呼不備捨我曷歸公俾我活何以報之
我忍公兮泣淚此碑

碑

唐故睢陽郡太守贈祕書監李公神道碑銘
并序

漢家之建侯親也。以荆燕吳楚為首封而後嗣多
材。立濟厥美辟疆路叔更生子駿比肩而出慶鍾故
也。唐有天下肺腑是依有若江夏河間東平以明略
茂勲左右大業其休德粹氣降為百祥公子公孫或
哲或仁勤勞王家焜耀國牒。宋平三葉後生睢陽

言春秋者謂公族多士與矣。公諱少康，字某。太祖景皇帝五代孫。太祖生雍王，繪。雍王生東平王。韶。東平王生高平王。道立。高平王生畢公。景淑初。畢公娶于太常京兆韋萬石女。有才子三人。伯曰孟康。忠敬直溫謙光不耀。官至太子左贊善大夫。仲曰仲康。弘毅密重文敏貞諒。由尚書主客郎中。剖符楚州。楚人到于今由其教而思其躅。公楚州之母弟也。纂二昭二穆慎身之烈。迪元方季方裕。蠱之範。家貽其謀。只鍾其休。故蓄為利氣。播為盛德。年始孩而畢公捐館。七歲受孝經。至喪親。章捧書孺慕。哀哽不食。隣伍長幼為之涕泗。既冠。遭太夫人弃。孝養甚貌。茹毒血泣無聲者三年。自是孝稱鄉黨。名冠宗室。會垂拱永昌而後。天下有驚喙之謠。七廟支庶不絕。若緹公正志蒙難。危行全德。貞厲二十年以後。道長中興。後乃筮仕。由朝邑縣尉。凡七徙官。至尚書祠部郎中。以太府上佐授潞州司馬。因考績彰聞。拔為青州刺史。于時海岱貢篚。衣履天下。俗尚夸侈。吏務豪奪。公以德礼示法度。以誅賞禁淫怠。宣明教化。訪行帥先使。剡繡倚市者。悉返耕織。于是貪者廉。善者勸。海濱之俗。變至郟魯。按察使戶部侍郎。遙以狀聞。奏書褒。

異遷公于常州賜一子出身尚書吏民望公風聲其
奇衰僭濫者解印綬自去比及下車無為而人和
以高第擢拜徐州刺史先是歲比大歉八流者十五
六公條奏逋逃之名削去其版然後節用務本薄征
緩刑以來之歲則大穰人不患寡浮游自占者至數
千萬優詔嘉歎賜帛二百疋玄宗後元年改宋州為
睢陽郡命公為太守淮湖漕輓刀布輻湊萬商射利
汙之所由聚也公謂非勝之艱安之惟艱故峻其浸
漁之令弘其并容之仁吏或不廉不恪不惠不迪糾
之結必誠必信誠信不欺故獄市不擾閭井輯睦由
是飲純固之德者如餒者得哺寒者得纊有司方將
計課以聞天不惠于宋乃崇降癘疾三年春賜告歸
洛陽是歲十二月丙午薨春秋六十有四宗室悽歎
士友失圖宋人徐人輟春相唁明年某月遷宅兆于
京兆見子原先塋禮也公雅善屬詞有集二十卷晚
節住禪味耽道論嘗傳道德上下經五千言為之訓
解以究微言旨其為政貞方廉靜明達端懿嚴不殘
直不訐清不矯時善不徇名交推誠子惡中節博
見強志親仁愛士居險用晦遭時利往行藏之機與
道屈伸未始以去就寵辱瀆心止處而壽位未極其

量也故休祐復集于後昆夫八景縣太君廣平杜氏
生元子曰涵以忠文孝讓儀形王室天子位謂可力
九法外鎮百城大歷七年夏五月由尚書兵部侍郎
為御史大夫蘇州刺史巡省江左邁德詔訓之所及
也夫人沛國武氏以繼室生仲子汗汗弟濃皆公材
而不幸早世某月日朝廷建推恩之令追贈公祕書
監大夫之孝達于祖祚也及嘗忝禮官之屬知王侯
之廟祧昭穆與功烈德善故受命于大夫酌而為志
著之樂石以代蒸夷曰敦叙九族皇風所始公生德
門運叶麟趾王曰叔父高陽才子績乃祖服似續介

祉底續三署舊章孔脩赤舄彤襜收彼四州明照奸
訛承爾覆隱憂神罔時怨民斯輯柔民之不幸公壽不
幸王曰彼天匪愁俾屏仁浹鰥寡道在彝鼎臧孫有
後遺烈煥炳

唐故朝議大夫申王府司馬上柱國贈太常

卿韋公神道碑銘 并序

楚元王傳後五世長鴉相漢始自魯國徙家杜陵其
後十六世孫景略仕魏為青州刺史青州生隨倉部
侍郎南皮公瓚南皮生三子皆才同時為郎長曰季
武實居主爵次曰叔諧典司庫部季曰叔謙吏部

考功時人號為三列宿考功生知人以司庫員以郎
為賤方郎中自長孺至青州二丞相一侍中十一
千石自商皮至賤方二葉五尚書郎為當世言言婚
宦者謂之郎官韋家榭柎瑤琨非崇山濬源不生故
公侯卿大夫實鍾德門事業名聲與冠蓋俱四牡龍
旂之慶百代弥熾盛矣哉公諱縝字某賤方之仲子
忠廉無邪溫直好礼用誠明博厚祇若祖考之訓雖
顛沛不違仁非得之不苟求言足以成事濟眾默足
以居易慎獨鄉舉經行吏部登賢能拔授祕書省校
書郎親累徙官再遷至亳州臨渙縣令寬信愷悌之

政行乎千室暮年而頌聲興遷薛王府文學轉祕書
郎王宮圖牒天祿典籍公皆以儒服叅焉藝文脩而
彝章叙歷佐濮徐仙三州清恪如一人為申王府司
馬以達才居陪臣之列弘道以奉賤安義以直已諫
從政肅緊忠亮是賴掌邦典者謂王門之治可移于
公卿方議登之三府會寢疾終于位是歲開元十二
年歲在甲子冬十二月二十二日春秋若干夫人河
南元氏益州唐安縣主簿知柔之女承先祖供祭祀
祀之謂賤閔勤勞勸以義之謂德莊敬恭順婉婉聽
從之謂禮願復勞瘁均養善訓之謂慈夫人兼有焉

其年月春秋若干平某年月日合葬于某原嗚呼才
宜貴仁宜壽世祿宜富三者公夫人皆居其地不臻
其分鄉党宗族以命不可訖相吊焉唯明德必有後
之言也信有若孟子幼成博見利器鏗若金錫天寶
十年自尚書兵部郎出守漢中兼山南西道採訪處
置使移典河內河內人至今頌之仲子幼卿洛陽縣
丞叔子幼竒宋州楚丘縣令季子幼章有貞幹密識
恭寬而明前後八批憲而再起草自兵部郎中持節
典泗楚二州錫金印紫綬咨以屯田贍軍食如漢榮
平侯故事以言以立皆公之教訓也寶應二年春三

月以子為大夫故詔追贈公太常卿君子謂公之義
方慶及其身而楚州之孝誠格于宗祏禮也猶以為
與化俱者人事不我期者止隴雖大宗小宗可詳諸
姓氏譜命官日時各存乎屋壁之志若遺直與故事
非金石刻則無以示後世也由是楚州稽首于廟見
託謨德垂懿萬世億孝思罔極其銘曰
肅：乃祖翼商屏周愨群邦兮退傳間生扶陽重侯
德乃降兮龜紐虎符黼衣彤弓世相付兮百代純嘏
鍾仁于公德斯懋兮為邦三年足民知方政之威兮
校文石渠觀書魯堂志自強兮三佐列郡或初述梁

道未光兮已矣介福不克景行三嗟命兮一經之遺
岳裕果盛衰榮並兮子子孫孫丕承忠敬荷餘慶兮

唐故朝議大夫高平郡別駕權公神道碑銘
并序

開元天寶之際玄宗始以八柄付三公由是台司得
專廢置其中或憑寵固位惧天下有異已者諸附離
之者皆出入三臺若公才令名以望見憚則稍優
其俸而黜其職故天水權公幼明由新安縣令為絳
郡司馬高平郡別駕而歿同子道者皆竊歎之是歲
天寶六載秋八月也歿後二十有二載歲次己未春

二月返葬洛陽故塋夫人新鄭縣君榮陽鄭氏祔焉
縣君某縣某官某之孫某之子以仁儉好礼輔佐懿
德柔明之風訓齊閨門壽六十五大歷二年十月某
日終于丹陽初公娶于博陵崔氏生子曰驊而終新
鄭以繼室生四子曰軼曰申曰嵩曰舒舒不幸短命
驊軼申嵩悉忠信好學善屬文位未顯而令名歸之
度之垂訓之流也至是既卜宅兆驊等惧日月逾遠
後裔不知其先人之德澤謂及忝鄉舉之舊故使錄
而銘之云公諱徹字幼明隴西天水人也權氏之先
出于顓頊其遠祖殷武丁之小子生而手足曰權因

以權受封且命氏焉至周為楚武王所滅國除其後
有仕隴西遂家于天水歷漢魏晉宋間子也孫世尉
都為郡守至齊孫翼與王景略同佐苻堅官至僕射
後僕射數世至景宣景宣生玠並知名于時士玠生
萬春歷華州刺史封千金縣公華州嗣右領將軍將
軍曰文獎領軍嗣永興令曰懷育公永興之嗣也奕
葉之明德粹氣藪于其躬故融而為仁行播而為文
學童子時舅氏崔洪奇其文嘗謂有何無忌之似其
鄉也舉考功郎中蘇頲拔諸辟年之中連尉湖城汾
陰新繁渭南河南五縣開化二十三年拜監察御史

會監祭太廟時同會事者約相與偕赴及將赴祭約
者有故不至遽不暇告公曰八約我矣可先已而後
信乎遂不赴坐是降為河南府法曹君子義之初選
部舊制每歲益各以書判選多士至開元十八年乃
擇公廉無私工于文者攷校甲乙丙科以辨論其品
是歲公受詔與徐安貞王敬從吳翬裴肱李宙張烜
等十學士叅焉凡所升獎皆當時才彥考判之自由
此始也于時天下無兵百二十餘載搢紳之徒用文
章為耕耘登高不能賦者童子大笑公攘臂其間以
仁義為己任片言隻字勅為學者所法時輩榮之而

居家法不唯德禮是仗潤身飾吏不遇經術不矯持
持操以游媚貴倖行威作福者忌之由是宦從而階
不遷從法曹數歲而後有新安之拜及至歷澤郡高
平任愈疎遠安貞中立未嘗易方虛舟其心與位升
降春秋六十四而終蓋道之行止與時不并論者以
漢梁叔敬桓君山為比公所著文二十卷立其言之
宗趙郡李華編而序之若世系事業則書諸斯文其
文曰

嗷兮權公有德有言忠恕廉清道直 溫行有餘力
足言斯文居官釐績勤約是守與明以信寧出不苟
是以遺子九原與歸末由也已

跡屈志伸義彰身後舟政游學左詩潘誄風流遺烈
毗陵集卷第八

毗陵集卷第九

朝散大夫使持節常州諸軍事守常州刺史賜紫金魚袋獨孤及著

碑銘 五首

唐故揚州慶雲寺律師一公塔銘 并序

舒州山谷寺上坊禪門第三祖璨大塔銘

福州都督府新學碑銘

舒州山谷寺覺寂塔隋故鏡智禪師碑銘

山谷寺覺寂塔禪門第三祖鏡智禪師塔碑

陰文

碑銘

唐故揚州慶雲寺住持一公塔銘并序

公諱靈一俗姓吳廣陵人也神清氣和方寸地靈與
太初元精令其純粹聞思脩惠介然生知九歲出家
十三斷髮嚴持律藏將紹法寶示人文學以誇世智
初不計身中有我我中有身德充報國緣斷相滅空
應元年冬十月十六日終于杭川龍興寺春秋三十
有六臨滅顧命以香木荼毗為送終之節門弟子虔
奉遺旨粵以是月某日焚身于某山起塔于某原從
祀尸城之制也右補闕趙郡李紆殿中丞侍御史頓
丘李湯嘗以文字言語遊公廊廡至是相與追錄遺

懿以詔塵劫謂公貞靜直方淵遠弘大而密識洞鑒
人悅道機注不滿酌不竭冲如也自受生至于出家
貪志不入念哀樂不見色自出家至于涅槃六根不
染欲界之塵自知道至于返真隻屐不踐居士之門
公之嚴持也初公之先世為富家既削髮推萬金之
產悉以讓諸孤昆季所取者唯衲衣蓆杖及身而三
捨亡界五欲如弃涕唾公之純白也其所底止必擇
三間樹下無塵垢之地初舍于會稽南山之南懸油
寺焉與禪宗之達者釋隱空處印靜虛相與討十三
部經第一義諦之旨既辨惡處居餘杭宜豐寺隣寺

山對佳境以嶺松澗石為梵宇竹風月露為文室
然獨往與法印俱自是師資而忘空色皆遣暴風偃
山而正智不動巨浪沃石而浮囊自安于是著法性
論以究實諦公之懸解也公智刃先覺法施無方每
禪誦之隙輒賦詩歌事思入無間與八飛動潘阮之
遺韻江謝之闕文公能綴入蓋將昭含詞林與儒墨
同其波流然後循善誘指以學路由是與天台道
士清廣陵曹評趙郡李華潁川韓極中山劉頴襄
陽朱放趙郡李舒頓丘李湯南陽張繼安之皇甫舟
范陽張南史清河房從心相與為塵外之友講德味

道朗誦終日其終篇必博之以文約之以修量其根
之上下而投之以法味欲使俱入不二法流公示教
之橫門也內張天機外與物接捨法無我以虛受人
曠焉若空谷之响止水之像優而柔之使自得之其
道樞未始不無為也而飲其和者亦虛而來實而歸
明徵其所以然則不得其朕公應之無滯也宜豐寺
地臨高隅初無志泉公之戾止有靈泉呀然而涌噴
金沙之泊于禪庭左右挹之弥清斟之無窮公精至
感物也嗚呼日發天啓壽量俾一切住世聖道以極
校喪得大。而涼大宅其公以吁嗟昊穹奪我善友

生不極其涯道不竟其流崇前已就諸有可出將
現他方乎為應化之始終法身之去來非思議所及
乎凡今學徒戒歸若涉大水而無梁抽毫強名以誌
陳迹其銘曰

茫茫江濁愛習如債何以為師尸羅之戒卓爾上士
一念識滅萬法懸解佛密藏名離性空俾道勿壞破
魔結壞穎脫諸有獄視三界上德不器大道無方天
縱之文亦和其光發彼童蒙啟神思量我今令入直
心道場奈何法艇今也則止適來豈逆適去豈順施
未及普天胡不愁飛鳥無迹法雷罷震福庭虛空來

者曷問言之糟粕留為祕印

福川都督府新學碑銘

世與道交相興喪弘之者在人非庚桑楚不能使
嶮壘大壤向微文翁蜀學不崇閩中無儒家流成公至
而俗易民賴德施古今一也初成公之始至也未及
下車禮先聖先師退而歎堂室湫隘數學荒墜懼鼓
篋之道寢子衿之詩作我是以易其地大其制新其
棟宇盛其俎豆俎豆既脩乃以五經訓民考敬必精
絃誦必時于是年人知敬學二年學者功倍三年
口上徒祁二賢不肖競勸定有身泗戶有鄒魯儒

齊·被於庶政大歷十年歲在甲寅秋九月公薨于
位於是群吏庶民耆儒諸生雨泣廟門之外若有望
而不至號曰豈不欲斯文之漸漬于東甌之人歟不
然何錫厥教化而不遐公之年也吾黨矍然嗚呼曷
歸判官膳部員外郎兼侍御史安定皇甫政殿中侍
御史穎川韓贄監察御史河南長孫繪率門人部從
事州佐縣尹相與議公之功績明示後世謂及嘗同
司諫之列宜脩知盛德善政見論託論撰以實錄刻
石曰公諱倚字某皇帝之諸父宗室之才子寬裕而
愷悌孝慈忠敬莊而成式文而強力治王氏易左氏

春秋酌其精義以輔儒行故居處執事著書屬詞非
周孔軌躅不踐也天寶三載應選部辯論為安陽尉
中興之後歷御史尚書郎諫議大夫給事中十餘年
間周歷三臺言中彛倫動中大本上交不諂下交不
瀆家貧不樂清近求為京兆少尹無何出守弘農弘
農人和移典華陰兼御史中丞華陰之近者安遠者
來天子以為才任四嶽十二牧之職大歷七年冬十
有一月加御史大夫持節都督福建泉州漳州軍
事領觀察處置都團練等使八年夏四月龍旂六轡
丁京師闕越舊風機巧剝輕資貨產利與巴蜀埒

有無諸餘善之遺化焉為難治公將治之也若
禮正刑節用愛人頒賦遣役必齊其勞逸視年豐耗
量入以制用削去事之煩苛法之掊克者決之不奉
職民不師教則懲以薄刑俾浸遷善由是人知方矣
公將安之也初哥舒晃反書至公履及于門遽命上
將帥戈船下瀨之師西與鍾陵軍會先拔循潮二州
以援番禺推誠誓衆士皆奮勇既而大憝就戮五嶺
底定民是以康鬻我師是賴人無姦宄寇賊之虞矣
公將教之也考類宮之制作為此學而寓政焉躬率
群吏之稍食與贖刑之餘羨以脩經營之費而不涸
於民也先師寢廟七十子象之像在東序講堂書室
函丈之序席在西序齒胄之位列于廊廡之左右每
歲二月上丁習舞釋菜先三日公齋戒肆禮命博士
率胄子脩祝嘏陳祭典釋菜之日置噐用幣籩豆在
堂樽壘在阼公立端赤舄正辭陳信是日舉士之版
視其藝之上下審問慎思使知不足教之道之講讓
以勗之八月上丁如初禮歲終以遜業之勤惰覃思
之精粗告于公歛其才進其等而貢之于兕伯將進
必以鄉飲酒禮之賓主三揖受爵于兩壺之間堂
上樂作歌以發德鹿鳴南陔由庚南山有臺以將其

厚意由是濱海榮之人以不學為恥州縣之教達于
鄉黨鄉黨之教達于衆庶矣公薨之明年太常議按
公叔發脩衛國之班制以交四隣故易其名曰文孔
文叔其勤于公家夙夜不懈衛人銘其彝鼎以公尊
教而勸學德洽荒服乃奏謚曰成詔贈禮部尚書而
刻金石之禮闕而未備今也敢播德馨貽之無窮其
銘曰

公之文肅恭且仁宣力事君潤飾經術底綏斯民公
之武鰥寡不侮剛亦不吐率師勤王勩厥醜虜公之
移風經始類宮百堵皆興孔堂崇四科以班乃侯

乃公秩：祀典鏘：禮容大昕鼓衛學士萃止褒衣
方履登降以齒從公于邁樂我泮水我釐我里講誦
資始比屋為儒俊選如林縵胡之纓化為青衿公宜
難老為學者司南女金反板日吉凶實天匪忱翹：和
鸞兮不聞遺音願言思公兮如玉如金縷餘烈于此
石以塞罷市者之心

舒州山谷寺覺寂塔隋故鏡智禪師碑銘并序

按前志禪師號僧璨不知何許人也出見於周隋間
傳教于惠可大師拈衣于鄴中得道于司空山會身
於非真故示有瘡疾法無我所故居不擇地以衆生

病為病故所至必謬法度人一相不在內外不在其中間故足言不以文字其教大略以寂照妙用攝流注生滅觀四維上下不見法不見身不見心乃至心離名字身等空界法同夢幻亦無得無證然後謂之解脫禪門率是道也上膺付囑下拯昏疑太雲垂陰國化土為化謂南方教所未至我是以有羅浮之行其來不來也其去無去也既而以袈裟與付法俱付悟者道存形謝遺骨此山今二百歲矣皇帝後五年歲次庚戌及剖符是州登禪師舊居周覽陳迹明徵故事其荼毗起塔之制實天寶景云中別駕前河南

少尹趙郡李公常經始之碑版之文隋內史侍御郎河東薛公道衡唐相國刑部尚書贈太尉河南房公瑄繼論撰之而尊弘道之典易名之禮則朝廷方以多故而未遑也長老比丘釋湛然誦經於靈塔之下與澗松俱老痛先師名氏未經邦國焉與禪衆寺大律師釋澄俊同寅協恭函以為請會是歲嵩嶽大比丘釋惠融至自廣陵勝業寺大比丘釋開悟至自廬江俱纂我禪師後七葉之遺訓曰相與歎塔之不永號之不崇慎像法之本根墜於地也願申無邊衆生之弘誓以舒罔極揚州牧御史大夫張公延賞以狀

聞於是七年夏四月上泫然降興唐繼絕之詔冊謚
禪師曰鏡智塔曰覺寂以大德僧七人洒掃供養天
書錫命輝煥崖谷衆庶踴躍謂大乘中興是日大比
丘衆議立石于塔東南隅紀正法興廢之所以然及
以為初中國之有佛教自漢孝明始也歷魏晉宋齊
施及梁武言第一義諦者不通布持施持戒天下感
於報應而人未知禪世與道交相喪至菩提達摩大
師始示人以諸佛心要人疑而未思惠可大師傳而
持之人思而未脩迨禪師三葉其風浸廣真如法味
日漸月漬萬木之根莖枝葉悉沐我雨然後空王之

密藏二祖之微言始粲然行于世聞泐於人心當時
問道於禪師者其淺者知有為法無非妄想深者見
佛性于言下如燈之照物朝為凡夫夕為聖賢雙峰
大師道信其人也其後信公以教傳弘忍忍公傳慧
能神秀能公退而老曹溪其嗣無聞焉秀公傳普寂
寂公之門徒萬升堂者六十有三得自在慧者一日
弘正弘正之廊廡龍象又倍或化嵩洛或之荆吳自
是心教之被于世也與六籍侔盛於呼微禪師吾其
二乘矣後代何述焉庸詎知禪師之下生不為諸佛
故現比丘身以救濁劫乎亦由堯舜既往周公制禮

仲尼述之游身弘之使高堂后蒼後孟戴慶之徒可得而祖焉夫天以聖賢所振為木鐸其揆一也諸公以為司馬子長立夫子世家謝臨川撰慧遠法師碑銘將令千載之後知先師之前身禪門之權輿王命之追崇在此山也則敬其風紀其時宜在法流及嘗味禪師之道久也久故不讓其銘曰
衆生佛性莫匪宿植知誘于外率為妄識如浪斯鼓與風動息淫駭貪怒為刃為賊生死有涯緣起無涯極如來憫之以闢度門即妄了真以正覺源起迪心印貽我後昆開生禪師俾以教尊二十八劫迭付微

言自摩訶迦葉以佛所心法進相傳至師子比丘九

如如禪師膺其弘宣五劫法滅獨與道全周武帝下

禪師隨可大師隱遁童蒙來求我以義傳攝相歸性

法身乃圓性身本空我無說焉如如禪師道既弃五

將二十紀朝經乃屆皇明昭賁億兆膜拜凡今後學

入佛境界於取非取誰縛誰解初禪師謂信公曰汝

縛汝誰解汝曰不見縛者不見解者然則何求信公

於是言下證解脫知見遂頂禮請益是日禪師受以

傳祖師裝萬有千歲此法無壞
舒州山谷寺上坊禪師門第三祖琛大師塔
銘古隸南節度觀察使揚州大都督長史兼

御史孫延賞狀得舒州刺史孫孤及狀得僧
湛然等狀稱大師遷滅將二百年心法次第
天下宗仰秀和尚寂和尚傳其遺言先朝猶
特建靈塔且加塔冊謚大師受聖賢衣鉢為
法門津梁至今分骨之地未沾易名之禮伏
恐尊道敬教盛典猶闕今因肅宗文明武德
大聖大宣孝皇帝齋忌伏乞准開元中追褒
大照等禪師例特加謚號兼賜塔額諸寺抽
大德僧一七人人洒掃供養冀以功德追福
聖靈

中書門下

牒淮南觀察使

牒奉勅宜賜謚號鏡智禪師其塔餘依牒至准
勅故牒

大歷七年四月二十二日牒

中書侍郎平章事元載

門下侍郎平章事王縉

兵部尚書平章事李使

司徒兼中書令使

山谷寺覺寂塔禪門第三祖鏡智禪師碑塔
碑陰文

嗚呼至聖者道名久矣而司名者必從而與之其與之何哉尊其道行其教仰不可及而故立其象者所不至強為之名名哉非道之蘊捨名則道無從得不得之際其名之寄耶我大師茂其師法既其身去所染因際立間有幾千二百甲子崇巖未改前川曰逝檜枯蒼然光景如翳懇乎至誠及求舍利而建廟塔者粲乎實錄有徵遺言而立碑頌者於稽其意其慕之滋遠而思之滋深將發明之終然有待歟皇唐大歷五年舒州刺史河南獨孤及字至之以慈惠牧人于茲土是唯無作、則參于元妙躋躅故山永懷

道要貢善言于闔闔降吾君之明詔覺者知其本也寂者根其性也鏡者無不照也智者無不識也四者備矣吾師之道存焉顯、法侶如甘露灌有隋薛內史道衡洎皇朝房尚書瑄與今獨孤使君及三子慧炬相燭也文鋒相摩也嗣為之碑森列淨土如經星五緯更為表裏焉然述者之詞各因所見言或踳駁將貽惑于來世吾所辯焉薛碑曰大師與同學定公南隱羅浮山自後竟不知不知所終其銘曰留法眼兮長在入羅浮兮不復還據此南遊終不復此地也房碑曰大師告門人信公曰有人借問勿謂於我處得

法遂訖疾山正心晦寓息忽大呼城市曰我于峴山
設齋汝等當施我食於是邑居咸集乃齋于楊樹下
立而終焉今以兩碑參而言之則薛內史制碑之後
大師從羅浮還付囑信公然後涅槃于茲房公以得
于傳記而述之非徒然也其餘事業則三碑載之詳
也今則不書其錫名之詔與有地者之爵里行教護
塔者之名號不可以莫之傳于後也皆刻于獨孤氏
之碑陰

毗陵集卷九

嘉靖戊申六月廿八日校勘畢姑餘山人志
旨十五日陸楠裝完

毗陵集卷第十

朝散大夫行節度掌書記趙州刺史獨孤及

靈表一首

唐故朝散大夫穎川郡長史贈秘書監河南獨孤公靈表

墓誌 上 一首

唐故穎川郡長史贈秘書監獨孤公第三子愷墓誌

唐故浙江東道節度掌書記趙州刺史獨孤公墓誌

唐故穎川郡長史贈秘書監獨孤公第六子萬墓誌

唐故亳州刺史鄭夫人河南獨孤氏墓版文

前左驍衛兵曹參軍獨孤公夫人章氏墓誌

鳩子章八墓誌

唐故大理寺少卿兼侍御史河南獨孤府君墓誌銘

靈表

唐故朝散大夫潁川郡長史贈祕書監河南獨孤公靈表

公諱某其先劉氏出自漢世祖光武皇帝之裔世祖
生沛獻王輔輔生釐生定定生節生巧巧生長子
廣嗣王位次子虞仕漢為洛陽令虞生穆生進伯
為渡遠將軍繫匈奴兵少援不至戰敗為單于所獲
遷居獨孤山下生戶利單于加以谷蠡之位號獨孤
部戶利生烏和和生二子長曰去卑為右賢王建安

中獻帝自長安東歸有李傕郭汜之亂右賢王率其
部衛車駕還洛遂徙遷許復歸國卒以弟猛代立生
嗣論嗣論富論生路孤路孤生春生羅辰從魏文
帝遷都洛陽遂為司州洛陽人始以獨孤其部為氏
用征伐賜爵永安公位征東將軍定州刺史征東生
萬齡官至廷尉謚曰貞廷尉生稽字延平善左右射
學窮金奧匱之奧魏世祖初從平滑臺以功授散騎
常侍歷守冀定相三州時新定律令慎選廷尉徵公
拜焉再為法官俱以廉平不苛顯名當時崇之加
鎮東將軍薨謚曰文鎮東生歸辟聰而才又於鎮東

夢贈大尉太尉生異字和顏以爲學侍講東宮歷安
南將軍山州刺史贈司徒司徒生永業以文武兼略
佐齊王入洛定鄴都督幽洛二州由行臺尚書令陞
司徒封臨川郡王語在齊史臨川王生子佳在齊爲
勁弩將軍在周爲儀同三司在隋守清遠鎮握節死
難贈并州刺史并州生義順武德中歷民部侍郎尚
書左丞光祿大夫封洛南郡公洛南生左千牛備身
諱元慶公之祖也千牛生朝散大夫定州刺史公
之父也二十三葉之德善鍾其人於公剛方廉清貞
信弘寬德厚性和與四時氣侔非天下直道不行非

先王之法言未常言當出處去就之間非與不苟
求與朋友交非同道不苟合至守王事臨大節非其
正雖臨大兵不懼恪德危行居易中立不可得而親
不可得而疎讀書觀志孝大略探蹟索隱屬詞止于
礼義不止詠情性而已太極元年詔舉文可以經國
者宣勞使源乾曜以公充賦時對策者數百人公與
帝臨鄭少微特冠科首起家拜同州郃陽尉縣尉歲
滿授好時縣尉開元十四年玄宗初登封泰山注意
二千石公長以煦嫗下民授公益州温江令公治縣
如治之明不至察威不至猛去頌苛徼繞之以施德

德信刊禮以訓齊之過弘人飲之化逋考彼瘖者
悅善者不不善者知耻益州刺史張敬忠以狀聞詔
授監察御史轉殿中侍御史會權臣惡直斥去不附
也若貶公廬州長史明年惡直者罷位公稍移武功
令未到官病免二十三年除寧州司馬二十八年遷
潁川郡長史初公為御史嘗以直忤吏部侍郎李林
甫至是林甫當國常欲騁憾于我而五府三署每有
高選群公皆昌言稱公全才且各以藏文竊位自引
由是免咎然十年再遷位不離佐郡或勸公卑其道
可以取容于世公曰可卑非道也屈伸天也非人也

人如予何天寶元年加朝散大夫二年七月七日寢
疾終于位春秋五十七位不尊壽不遐志善行下不
報其直虛語守道者相弔以為瘖是歲八月殯于郡
東至德二年歲次癸酉十月十有四日權遷窆于洛
陽龍門山西岡大厯四年五月十三日詔贈祕書監
命卿之位錫于身後嗚呼哀哉夫人河南洛陽人也
在國長之元孫咸陽縣丞諱頴府君之女左金吾將
軍諱子哲府君之姪稟天元和生知孝慈含德之厚
典坤體心執筭助祭四十餘載人莫見夫人喜怒之
容躬承順承勳協禮繼宗族以睦長幼以序無言無

考化于家公之加^成版也夫人封封丘縣君^記等
既孤夫八^成弃采蘋之度脩釋氏教^成正觀法于長者
比丘尼上方服勤一年得^成心念處三昧^成去諸^成結法
酒^成涕唾^成至德二年隨子東征明年歲在甲戌七月
二十四日終于會稽享壽六十有^成四八月某日權^成殯
于雷門之南^成記巨及正等遭天不弔無恃無怙^成以^成
故坎塲不克遷附者十一年矣欲報顧復天胡有^成運
今年問宅地于^成前都水使者張^成係^成十甘泉東伊水
西甘泉鄉之原^成吉謹以歲次己酉秋七月壬午遷公
夫人靈坐合安居于此原猶惧陵谷^成立人之不明我

期也故不敢不志收^成血勒石以^成遺後嗣

墓誌

唐故潁川郡長史贈祕書監^成孤公第三子

愷墓誌

唐天寶元年歲次壬午潁川郡長史府君第三子曰
愷寢疾卒于潁川至德二載冬十月四日權^成窆于洛
陽龍門西^成大歷四年五月十二日詔^成追贈潁川府
君祕書監是歲七月壬午遷^成宅^成于^成壽^成甘泉鄉之
原以君之喪葬于^成塋^成之次左^成禮也^成於^成沉^成毅^成果^成斷^成總^成敏
好學^成行^成歲^成專^成左^成春^成秋^成上^成于^成畫^成善^成音^成律^成圖^成畫^成之^成與

靡不深究性個僥達不次又日行竊名志氣以遠
未亡不幸多病年終二十二而列仙短之經聖人罕
論同塵顏冉茹恨何言嗚呼

唐故浙江東道節度掌書記越州剡縣主簿
獨孤丕墓誌

皇唐故潁川郡長史贈祕書監河南獨孤公遷宅兆
于壽安縣甘泉鄉之原第五子丕陪葬于塋之西序
第三兄愷墳在右第六弟萬墳在左三次齋列如平
生侍立之序礼也丕字山甫少聰明有志操好學博
古年十五能屬文祖述典謨實而不華有古人風彩

至

一若探綜圖緯推步六甲吳天歷象太一之具悉究
其趣尤好黃老道與脉藏崇衛之效奉之以為衛生
之經每餌藥鍊氣謂丹砂可學乾元二年後季父峻
為御史中丞都督江東軍事盛選僚佐表為剡縣主
簿軍書羽戲悉以咨訪觀其志氣遙遠冲然有騁長
途致青雲之勢不幸短命臥病累旬卒于會稽春秋
終年十三位不通部後事其弘識明略真氣妙用藏
于才而未形也世無得而稱之美嗚呼哀哉是歲乾
元三年歲在己亥秋九月也臨歿歎曰孝道以終全
真榮名期于顯親未道二志俱弃命也夫是日也

濱于雷門之南先夫^{夫人}八壽^八之慶行已十年延^此
宮無兒可以主祭悲孰甚焉故^{月而日之以}他朽壤
洒庚紀德哀同有極

唐故潁川郡長史贈祕書監獨孤公濟六子
萬墓誌

萬頃川長史府君第六子性專靜內敏有幹局多才
藝嗜學好古誦老聃莊周之書究其大略罹于多難
未遑筮仕乾元二年夏六月與昆弟同待板輿將如
吳道^吳歿于楚州春秋二十九^{七月}殯于廣^州光
南之西大歷四年五月詔贈潁川府君祕書監是歲

一月壬午奉遷神座令附于壽^縣甘泉鄉之原先
是^節之喪至自廣陵是日陪葬于^空西隅禮也^以惟
天壽之數雖聖^帝所無奈何今冠石^言美^其名^之
悠久也

唐故亳州刺史鄭公故夫人河南獨孤氏墓
版文

夫人河南^{洛陽}人也其先劉氏出自沛獻王輔其裔
孫匡山谷命氏中復劉自獻王十九世至齊行臺尚
書令永業始復為獨孤氏自臨川至潁川郡長史^府
君六葉明德道炳^于茲^也潁川府君^七公^生四^公

有志尚寬仁慈順以月... 鄭氏生二男二女而寡男始孩女未齒鞠而... 之義方長男曰季董次曰子華既長皆能說詩祀被
服文行侍人稱夫人善誘善教乾元十三年因洛陽
再擾隨子北征永泰二年某月終于鉅鹿郡享年若
干嗚呼仁而宜壽慈儉宜福二者反是為善者惑焉
初夫少因有行思歸寧而不得晚值多故去邦族而
無復由是終身自遠父母兄弟之痛焉臨終故謂其
子董必于先夫人之壠季華等以奉遺言十月二
十歲在戊申以夫人之喪至自鉅鹿冬十一月庚寅

巨華洛陽龍門潁川府君堂之側夫人之志也及
敢請伯仲之德銘諸墓石云

前左驍衛兵曹恭軍河南獨孤公夫人京
兆韋氏墓誌

夫人許某字某楚王交傳孟裔孫唐許州司馬皎曾
孫渭南主簿懿之孫兗州金鄉縣尉商佐季女祕書
省著作郎京兆從丞相韋睦州刺史儋之妹共先自
彭城郡徙京兆從丞相賢後九世至本州大中正穆
始有東西卷之號二十五世至徵士魯居魏周二代
出不降志處不遜俗

九代道遠公六之七

祖也道遠公生民部
將軍宋州刺史仁將軍生給事甲旅即許州之彌也
夫以四言之造直一經之餘烈于微之高風焯于古
今宜其秉哲垂懿百代不墮地之華望之崇與春秋
之唐社范氏漢晉之表楊王謝伴其熾大矣哉二十
八葉之明德茂祉降衷于夫人故孝慈貞儉溫惠淑
慎父敏好礼三者皆天機生知不待師訓而至廣德
二年夏六月歸，戒衣服飲食躬自菲薄夙夜戒
敬致意于荇菜接娣姒以謙馭幼穉以敬敦其幼穉
恐不知矜不能喜怒未嘗見其止也其德礼所化

時族以睦兒童知讓生一子曰箴而歿大歷四年夏
六月癸丑再孕不生育乙卯歿于舒州春秋若干仁
厚而不福德備而不壽是天不惠于我家也向使錫
厥永年正家承筐宜尔子孫百祿是享非夫人匪歸
啓手足之日長幼號咷外姐內姐親疎皆行哭失聲
也宜哉是歲九月中申以輅襚裳惟遷于洛陽十一
月丁酉安宅地于舅姑先塋之西南隅恐時逝事遷
景行不貽于後故刻石以誌卒葬止謹而日之

殤子章八墓誌

殤子河南獨孤氏

章八以其弱而

也故

字稱北齋司徒行臺尚書令臨川郡王七代孫左驍
衛兵曹參軍公之元子秘書省著作郎京兆韋侍之
甥生有奇表溫明聰秀覃許于保姆傅婢之手寔
異于凡童氣閑體和取予必時諸父諸姑每謂與我
家者必此兒也賓客之至者看玉人不暇倘假以壽
命則成器致位未易度也不幸多病大歷六年歲次
辛丑十二月二十二日歿于舒州壽止五歲四十一甲
子甲子長幼惋毒六姻悼惜嗚呼天將不昌吾後裔
乎不然曷使此孩不至于成歟大歷八年夏四月十
六日以其喪歸葬于洛陽祔于王父母宅也之側其

仲父銜涕書其始終紀于墓云

唐故大理少卿兼侍御史河南獨孤府君墓
誌銘并序

府君諱嶼河南洛陽人漢世祖光武皇帝第二子沛
獻王輔之昭也齊臨川郡王河陽道行臺僕射洛州
刺史永業府君五代孫國朝明威將軍文惠府君第
二子越州都督浙江東道節度觀察處置使兼御史
中丞左金吾大將軍峻府君之季弟也聰明仁恕專
直寬信擾而毅溫而厲弱冠筮仕以藝即戎藏志安
卑非其志也天寶十四年安祿山反朝廷以唯肥海

沂三吳咽喉宜擇良佐以戡蕃鎮命府君為泗州長
史無何換滁濠二州倂戎備叅吏職忠敏肅給所莅
緊賴御史中丞崔公昭之尹河南也盛選僚佐表府
君為太常丞兼殿中侍御史營田判官使罷轉湖州
別駕大歷五年崔公授詔持節牧宣歙池三州府君
復為從事以太子右諭德兼殿中侍御史遷大理少
卿兼御史謂方宜民宜人祿與壽俱遭命不淑春秋
五十五而歿是歲大歷九年春三月二十四日夫人
隴西李氏以相舟之誓提攜諸孤某等奉府君之喪
言歸洛陽某月日窆于某原禮也府君少孤事兄嫂

以友悌稱在家在邦言信行果居官祇事強志能不
及其冠佐太府上以勤恪周爰成務下以明誠勞謙
應物和禮正家敦睦族姻自疎及親必慈必愛而命
不戢與年未下壽夭其天極嗚呼哀哉初府君之金
吾伯兄擁旄浙東也拔崔公於羣吏之中外為軍司
馬推誠委政之分猶晉得韓厥宋得子思及中丞之
開府辟掾府君為首既而府君之喪也中丞哭之慟
贈賻周給加於人一等由是稚子孀妻得奉喪而西
三月而葬禮無違者賻布之餘足備祭器君子謂金
吾之明哲移厥兄弟宣州之交情見于死生知己之

道斯其行者鮮矣及敢不以直詞書仲父之美于墓
石其辭曰

叔父懿德承家令儀惠伯哲兄踐脩靡違移治于官
發迤淮沂及佐皇華赤纁其衣天命子命我再參軍機
駘馬駟：所從其誰顯允君子為諸侯師府君委質
咨諏載馳式壯其猷耄未及之陰陽為冠子鵬洽期
昔也陟岡哀：永思今也反真匪公曷依伯兮叔兮
今乎已而他年九原公誰與歸

毗陵集卷第十

